

أصول للإنتاج الفني

تقدم

مسرحية الأطفال الاستعراضية

(جزيرة الأشباح)

تأليف

أحمد الشيبة / سالم المنصوري

مسرحية جزيرة الأشباح

المشهد الأول

يفتح الستار على منظر صالة منزل ويدخل الاستعراضيين وتكون
هناك مقدمه غنائية ترحيبية للأطفال تكون من اختيار المخرج •
يدخل نصور وعزوز وهم يغنون بصوت مزعج حيث
تدخل أختهم أحلام

أحلام أشفيكم ستخفيتوا .. قاعدين تصارخون في الصالة •

نصور ليش شايفتنا مجانين

عزوز ما عليك منها شعرفها بطرب لأصيل

أحلام صج أنكم متمللين وما عندكم شغل ولا مشغلة

عزوز يا سلام •

نصور هذه أنتي يبتيتها .. ما عندنا شغل

أحلام انا بعد يا خواني متملة وواصله حدي •

عزوز طيب ... شرايكم نروح رحلة للبحر ... نستأنس على الشاطئ

والا نروح في طرادي

- أحلام الله والطراد من زينه بروحة مرقع
- عزوز يا سلام .. من قالج توني مصلحه مستوي جديد •
- أحلام لا لا ماني رايحة
- نصور بالعكس يا أحلام .. خلنا نجرب نغير جوا يقولون البحر يفتح النفس
- عزوز صدقيني كل يوم بتقولين ودوني معاكم •
- نصور تعالى زين خلينا نستأنس مع عزوز
- أحلام زين .. بس بشرط مانروح بعيد في الطراد
- عزوز وانا موافق •
- الجميع توكلنا على الله •

إفلام

المشهد الثاني

يبدأ المشهد بمنظر البحر الجميل وصوت الأمواج ونشاهد نصور

وأحلام وعزوز في الطراد

أحلام لله البحر حلو .. يا نصور

عزوز قايل لكم انا بتستانسون .. جوفي يا أحلام السمك.. قلبي أنتي بس

كم كيلو تبينشوفي يلبط فرش (ينظرون للبحر)

نصور لو جنبنا يا عزوز سنارة كان صدنا ياعزوز السمك كله

عزوز ولا يهمك يا نصور المرة الجاية بنجيب سنارة وثلاجة عشان تحط

فيها السمك .

أحلام من يعرف يعد أنواع السمك

نصور انا اعرف اعد أنواع الطيور

أحلام خلوني اسأل الأطفال .. ها يا حلوين من يعرف أنواع السمك ؟

(حوار مع الصالة)

نصور شوف .. شوف يا عزوز.. هذا الهامور اللي قالوا عنه الأطفال

(يحاول أن يقفز للبحر وتمنعه أحلام وعزوز) خلوني أطب وأجيب

الكم الهامور

عزوز غلط يا نصور اللي ما يعرف يسبح ما يطب في البحر وبعدين هذا

البحر غزير

أحلام وبعدين أنت ما تعرف تسبح.. وحتى اللي يعرفون يسبحون ما يرمون

أنفسهم في التهلكة جديه

نصور أنا أسف يا خواني الحمد لله أني ما طببت •

أحلام شوفوا هناك جزيرة .. الله جزيرة

نصور أي صوب ما شوف شي

أحلام شوف هناك .. شوف •

عزوز الله انا أشوف الجزيرة شرايكم نروح لها ونستأنس في الجزيرة

نصور الله كاهي الجزيرة بينت يا أحلام .. بسرعة يا عزوز بسرعة

أحلام يا ترى شراح نلاقي في الجزيرة

نصور أكيد بنلاقي جميع أنواع الأصداف

عزوز يا حبك حق الأصداف .. الناس تتمنى أشياء ثمينة وأنت تتمنى أصداف

أحلام ايه...صح...يمكن نلاقي كنز

نصور شوي شوي يا عزوز وصلنا الجزيرة

عزوز يلا ستعدوا خلونا ننزل ونكتشف وشفى الجزيرة

إظلام

مشهد الجزيرة

منظر عام للجزيرة وتوجد بها الأشجار الكبيرة وتوجد بها أكواخ
صغيرة .. صوت عصافير وطيور البحر يدخل نصور وأحلام و معهم
كرة بحر وهم يلعبون ويمرحون ويبقى عزوز خارج الجزيرة
يربط طراداه على الشاطئ .

نصور الله شوفي الجزيرة يا أحلام شحلاتها
أحلام الله الجزيرة حلوة .. وفيها عصافير بعد .
نصور هذه الجزيرة الحلوة والابلاش
أحلام نصور وين عزوز .. وايد تأخر
نصور قاعد يربط الطراد .
أحلام عزوز خواف .. وحنا خريناه بروحه
نصور مسكين لأيصيرله شي .. عزوز .. عزوز .. وينك
أحلام روح شوف عزوز وانا بالعب بالكرة على بال ماتجون
(يذهب نصور يبحث عن عزوز وأحلام تلعب بالكرة)

ناصر عزوز اختفى يا أحلام ما لقيته

أحلام شلون اختفى

نصور مادري دورته وما لقيته .

أحلام ألا يكون الجزيرة فيها شي

يدخل الزعيم عصفور وجماعته بملابس غريبة وفي أيديهم رماح

ثم يحيطون بهم

الزعيم مرحبا...مرحبا ألا تخافون رفيجكم في الحفظ والصون .. وانتوا

طلعتوا في الوقت المناسب .

أحلام وين عزوز .. وين اخوي

الزعيم هاتوا أخوها حتى ترتاح

حارس أمرك يا سيدي

الزعيم الحين يجيونه لكم وترتاحون .. وبعدين انتم ليش جيتم هذه الجزيرة

نصور جينا نتمشى ونغير جو

الزعيم ما تدرون أن هذه جزيرة الأشباح يعني فيها أشباح

أحلام جزيرة الأشباح

(يدخل الحرس ومعهم عزوز)

نصور عزوز يقولون هذه جزيرة الأشباح

عزوز يا سلام.. رحنا فيها

الزعيم ألا تخافون انتم في ضيافتي وأنا بحميكم من الأشباح .. يحرس خلونا

نحتفل فيهم وننسى الأشباح

(تبدأ الأغنية باستعراض تغليدي خاصة بالزعيم وجنوده)

الزعيم هذه الجزيرة مثل ما قلت لكم فيها أشباح وذا قدرتوا تخلصون الجزيرة
وأهل الجزيرة من الأشباح راح أخليكم ترجعون الالهكم وبا أعطيك
هدايا كثيرة .. ولكن ذا ماسا عتونا راح تبقون معانا في الجزيرة جيزكم
من جيزنا

أحلام كل الليلة يطلعون لكم الأشباح

الزعيم كل الليلة .. والغريب في الموضوع انه يوم اطلع و أنادي المعاون
دهمان يختفون الأشباح

أحلام الحل عندي بس خلوني أتشاور مع أخواني

الزعيم أخذوا راحتكم .. تقدرتون تتشاورون

(أحلام ونصور وعزوز يذهبون بعيدا)

عزوز يا سلام .. شلون تقولين الحل عندي شلون .. وبعدين إشكالهم

غريبة يقولون عندهم بعد أشباح

نصور أحلام إحنا لل لازم نرجع ألا هلنا ..

أحلام عزوز الله يخليك ألا تخوفنا زيادة .. تراك أنت اللي تتحمل المسؤولية

نصور نعم انت اللي تتحمل المسؤولية .. انت اللي جبتنا هنية

عزوز يا سلام •

أحلام الحين ماب وقتة .. خلونا نتصرف ونشوف لنا طريقة نخلصهم من

الأشباح.. النهم ما راح يخلونا نرجع الأبعد ما نخلصهم من الأشباح

عزوز شرايكم انا ارجع ونتم تقعدون وتخلصونهم من الأشباح .. ويبيعتونكم

هدايا .. حلال عليكم انا مابيهها .. مع السلامة

نصور تعال وين رايح .. ريلنا على ريلك .. والانتحرك خطوة الا وحننا معاك

الزعيم أشوفكم تأخرتوا

أحلام لا خلاص .. بس عطنا فرصة شوي بس •

نصور اللازم نتصرف وبسرعة

أحلام انا عندي خطة

عزوز انا باروح ونتوا خططوا على اقل من مهلكم

أحلام انت اللي بتنفيذ الخطة

نصور مابغيتي الا عزوز الخواف ينفذ الخطة

عزوز خلاص انا خواف ونتوا اعترفتكم خلوني أروح

أحلام تعال زين .. اسمعوا الخطة •

(أحلام تشرح لهم الخطة)

الزعيم ها خلصتوا

نصور خلاص يا زعيم خلصنا

أحلام ذا جاء الليل تروحون وتنامون عادي

الزعيم وذا طلّعوا لنا الأشباح

عزوز نادوا أحلام ونصور .. ينفذون لكم الخطة

نصور ألا تصير جبان ياعزوز

أحلام أنت اللي بتنفذ الخطة ياعزوز

الزعيم الحين قو لولي خطتكم

أحلام الخطة في وقتها .. وكل شي في وقتة يا زعيم

- إظلام -

المشهد الرابع

الوقت : منتصف الليل

أصوات رعب مع إضاءة مختلفة تملأ المسرح على الأكواخ
ومشاعل تطلع وتختفي يطلع الزعيم مع حارسه الشخصي

الزعيم دهمان .. دهمان...وينك يادهمان..

دهمان (تختفي الاصوات ويخرج دهمان) نعم يا زعيم

الزعيم كوابيس يا دهمان... مزعجه أشوفها في اليقظة والنوم...وين الحكماء

ومفسرين الأحلام •

دهمان طال عمرك هذول كلهم انت قطيتهم في السجن لأنهم ما قدروا يكتشفوا

سر هالكوابيس •

الزعيم ياحرس هاتوا عزوز وإخوانه .. يمكن يلاقون حل للأشباح

حارس أمرك يا زعيم عصفور

الزعيم للآزم ألاقي حل صار لنا كم يوم على هذه الحالة مما خلاني أفكر

أترك هذه الجزيرة وأهاجر

(يدخل الحارس ومعه الثلاثة)

الزعيم أعرفكم على المعاون دهمان •

عزوز أهلاً المعاون خربان.. قصدي دهمان

دهمان طال عمرك إذا أهل الجزيرة كلهم ماقدروا يحلون مشكله الأشباح تريد

هال الأشكال يحلونها .. من رايب تخليهم يروحون احسن

عزوز بصراحه .. غيرنا رأينا نريد نجلس في الجزيرة

دهمان لا تستعجلون في الرد... اقعديا وفكروا وردوا علي... بس لا تتأخرون

لأن الوقت موب في صالحكم ... (يخرج المعاون دهمان) •

أحلام الحين كل شي صار واضح

عزوز الحين يا زعيم نام وارتاح وخل الباقي علينا....

الزعيم شلون تبيني انام وانتوا للحين ماحليتوا الموضوع... انا بصراحة

ما اقدر انام أخاف الأشباح يطلعون مره ثانيه

أحلام خلاص لا تخاف مادام عزوز قال نام... خلاص نام وأمن..

(تذهب الى عزوز) ... عزوز.. أخاف تودينا في داهيه • وما تنفذ الخطة

نصور انا غلطان اللي جيت وياكم...

الزعيم خلاص... انا بسمع كلامكم وانا... واشوف شراح تسوون •

(يذهب الزعيم الى سريره لينام بينما عزوز ونصور وأحلام يدورون

حول الكوخ وبعد قليل تطفأ الأنوار... ونسمع أصوات مخيفه)

الزعيم شنو هالصوت... يلا يا عزوز تحرك سو شيء هذا صوت الأشباح

- نصور يمه الحقي علي...الأشباح طلّعوا لنا
- أحلام ياعزوز...يلا نفذ الخطة خلصنا أنقذنا
- عزوز سكتوا شوي خلوني اسمع الصوت عدل...وبعدين نتوا ليش
- خايفين...احنا بأذن الله راح نهزمهم بس انا ابيكم تتماسكون شوي •
- (يزداد الصوت قوة ويتراجع الجميع الى وسط المسرح)
- الشبح مافيه أحد راح يقدر يهزم الأشباح...ولا تفكرون أنكم راح تقدرتون
- ترتاحون...هالجزيرة جزيرتنا والزعيم للازم يغادر الجزيرة •
- عزوز اشلون الزعيم يغادر الجزيرة وهو سيد الجزيرة....
- الشبح لالا...مافيه زعيم للجزيرة غيري انا...اذا تبون ترتاحون انتوا والزعيم
- غادروا الجزيرة وانا اوعدكم اني ماراح ازعجكم مره ثانية •
- الزعيم مستحيل اهد جزيرتي أهل جزيرتي... مستحيل..
- الشبح راح أزعجك لين تجن وبعدين راح اتفاهم معاك
- أحلام أنت شبح جبان ...لأنك لو شجاع كان تطلع وتواجهنا...وبعدين احنا
- راح نتحداك كلنا بتعاون لأننا نبي الخير للجزيرة وأنت وتبي الشر •
- الشبح هاها...هاها...هاها...والله على آخر الزمن أطفال يتحدون كبير
- الأشباح انا موب جبان انا راح اظهرلكم انا وعيالي راح نكسر روسكم
- لأنه ما احد يتحدى كبير الأشباح...هاها...هاها..

(صوت رعد وبرق وموسيقى قوية وتخرج مجموعة من الأشباح على

خشبة المسرح تطلع وتختفي)

نصور الحين خلونا انفذ الخطة

أحلام يلا نبدا

الزعيم بسرعة .. بسرعة

عزوز: الوضع اللي صار موب طبيعي حنا شاكين في شيء ونريدك تساعدني

في اكتشافه...

أحلام وشنو ها الشيء •

نصور عشان نعرفه ونتأكد منه اللازم كلنا نحط يدنا في يد بعض ونتعاون

عشان نكشف المستور •

عزوز الحين انا باقولك شنو نسوي بالضبط عشان نتخلص من الاشباح •

إفلام

المشهد الخامس

(يفتح الستار على منظر الأكواخ ولكن نرى ان الإضاءة قد

سلطت على المسرح ونرى ونسمع صوت موسيقى مرعبه وصرخات

عالية ونسمع صوت صرخات نصور وأحلام)

نصور الحق علينا ياالمعاون دهمانالحق علينا يا دهمان

أحلام الحق علينا يا دهمان...الحقوا علينا •

(يدخلالمعاون دهمان ومعه الحارسان)

دهمان خير..اشفيه شلي صار وليفش تصارخون...

نصور مصيبة يا دهمان...مصيبة...

أحلام الا قول مصيبة كبيره.

دهمان اشفيه شنو صار...تكلموا...قولوا •

نصور الزعيم وعزوز...اختفوا.

دهمان اختفوا ... واشلون اختفوا.

أحلام كله من الأشباح....الأشباح هم اللي خطفوههم •

دهمان لالا.... مستحيل هالكلام غير صحيح •

نصور وأنت ايش للي دراك احنا اللي شفنا الأشباح وهم يخطفونهم •

حارس ١المعاون دهمان..لاتكون السالفه صارت صج.. وفعلا فيه أشباح

حارس موب بس أشباح الا وبعد يخطفون... انا بصراحة خايف .

دهمان انا بعد مستغرب هذا اشلون صار

أحلام خلاص عزوز الطيب الحبوب راح والأشباح خطفوه

نصور (يبيكي) أخوي عزوز وينك .. أخوي عزوز

(نسمع ضحكه عالية وقويه تتبعها ضحكات أخرى ويخرج دخان

كثيف من وسط المسرح فيظهر قماش ملون يخرج منه عزوز)

دهمان هذا رفيجكم عزوز

أحلام لا هذا موب عزوز هذا مصاص الدماء... هذا شبح... يمه .

حارس انا قلت لكم أن السالفة صارت صجية... طلع فيه أشباح حقيقيه

شنسوي الحين يادهمان .

دهمان انا مثلي مثلكم متفاجأ... انا بصراحة ميت من الخوف... أقول

أيش رايكم ننحاش

حارس احسن فكره يلا تعالوا .

عزوز وقفوا ما احد يتحرك... انا اليوم جاي... آخذ بثار كل الأشباح انا أبي

اعرف من اللي متتكر في زي أشباح ويبي يخرع الزعيم .

نصور صدقني موب احنا... احنا غرباء عن الجزيرة .

عزوز انا ما عرف غرباء أو غير غرباء انا بخطفكم مثل ما خطفت عزوز
والزعيم لأنهم ما قالوا للي الحقيقة .. وانتم .. إذا ما تقولون من هو
اللي تنكر في زي الأشباح وتكلم باسمهم راح أخطفكم مثل خطفت
الزعيم عزوز •

٢

حارس لالا.... أرجوك انا بقولك كل شيء بس لا تخطفنا أرجوك •

دهمان اسكت ولا كلمه... لا تتكلم... اسكت •

عزوز اليوم مافيه احد يسكت اليوم انا أريد اسمع الحقيقة اللي غابت عن

الجزيرة فتره طويلة واللي يقول الحقيقة هو اللي راح يعيش •

١

حارس أنا بقول لكم كل شيء... بس أرجوك لا تخطفنا ... احنا ناس فقارى

ونسوي اللي يأمرنا فيه المعاون دهمان •

دهمان اقول اسكت انت بعد ولا تتكلم •

أحلام أنت أشفيك خلهم يتكلمون... انت تبي الشبح يخطفنا بعد •

نصور إذا تعرفون أي شيء تكلموا وبسرعة وألا راح يخطفكم الشبح •

٢

حارس بصراحة... الجزيرة مافيه أشباح ولا فيه أي اشباح •

١

حارس المعاون دهمان امرنا أننا نخرج الزعيم كل ليلة ونخوفه حتى يمرض

أو يصير مجنون ودهمان يصير مكانه زعيم ووعدنا بأشياء كثيرة

إذا احنا نفذنا أو امره... وهذه أهى كل السالفة •

دهمان لالا لالا....لاتصدقهم...هم اللي كانوا يسوون ها لأشياء من غير علمي
وانا ما اعرف شيء •

عزوز خلاص أن فضحت يا دهمان...انا كنت شاك فيك من زمان والحين انا
تأكدت...تفضل يا زعيم وشوف بنفسك

الزعيم أنت يا دهمان...أنت تخون زعيمك يا دهمان...هذا جزاتي اللي خليتك
يدي اليمين وخليت كل شيء في يدك تأمر وتتهي...وأخرتها تريد
تخليني مجنون •

دهمان سامحني يا زعيم...الجشع والطمع عموا عيني...أرجوك
سامحني يا مولاي •

الزعيم يا حراس...خذوا دهمان والحارسين إلى السجن...يلا خذوهم
الخائن ماله مكان بيننا .. الخائن مكانه السجن •

دهمان الرحمة يازعيم .. الرحمة....(يخرج)

نصور الحين احنا يا زعيم وفينا بوعدنا وكشفنا لك حقيقة الأشباح

الزعيم مشكورين يا أبطال..مشكورين وما قصرتموا...واللي تريدونه راح

تلقونه .. واعتبروا هالجزيرة ديرتكم الثانيه وقبل تروحون

اللازم أعطيكم هدية تليق بمكانكم .. يا حرس احضروا الهدايا

أحلام بعد يا زعيم احنا عندنا طلب نطلب منك .

الزعيم اليوم طلباتكم كلها مجابه .

عزوز نبي منك يا زعيم تطلق سراح جميع السجناء اللي أنت سجننتهم

الزعيم من اليوم مافيه ظلم لأي إنسان... وراح أطلق سراح جميع السجناء.

نصور مشكور يا زعيم ونتمنى أن العدل يسود الجزيرة

الزعيم وانا أتمنى أنكم تزورونا مرة ثانية في جزيرتنا الحلوة

الجميع بس بشرط ... ما يكون فيه أشباح

(يدخل الحرس ومعهم صندوق كبير بداخله الهدايا)

(غنية الختام مع الاستعراض والاحتفال وتوزيع الهدايا)

الستار

(انتهت المسرحية)

مع تحيات/ أحمد و سالم